

四庫全書

集部

欽定四庫全書

集部

江月松風集卷

七至  
十二

詳校官監察御史臣劉涓

中書臣劉源溥覆勘

覆校官中書臣張虎拜

校對官中書臣溫汝遠

謄錄監生臣李逢堯

欽定四庫全書

江月松風集卷七

元 錢惟善 撰

東湖老農為盛仲仁作

老農生計在東湖二頃良田宅一區斗酒熟時多稻蠟  
扁舟到處有蓴鱸風霜兩鬢秦毛穎烟雨千頭楚木奴  
便欲相從買黃犢醉吹鐵笛和吳歎

送鑑虛堂分題得多稼亭

多稼亭前祝華封家家擊壤樂時雍雲連白水觀秋刈  
月滿青山聽夜春每喜豐年占二麥更看甘露降雙松  
帶經久欲追高鳳早賦歸田去學農

九月晦日張機仲同宿明慶亭會堂上人房是夜  
讀羅昭諫詩

寶坊金碧近閭閻閣道沉沉警夜嚴萬石華鯁驚海獸  
四簷鐵鳳語飛廉傷時我豈同昭諫覓句師能及道潛  
一榻茶烟清夢熟因思松瀑洒水簾

十月望日雨後與湯鼎臣過包山福泉

峰迴路轉絕人烟  
葉隕霜乾塞澗泉  
山勢斷時江自見  
石根踈處樹相連  
人生安得灰為念  
衲子從教雪滿顛  
忽有海鷗潮上起  
分明落照在漁船

寄牛彥伊

不見故人今幾年  
移家江上看風烟  
銀絲鱸膾最鮮美  
石勢蝦蟆何連蜷  
詞藻故鄉追晉問  
聲華他日擅臚傳  
梅花遲子西湖酒  
乘興何須雪下船

聞項可立先生訃

文星此夜落丹丘，知是仙人赴玉樓。  
久待明堂修禮樂，豈期高閣束春秋。  
百年丘壑全歸壁，萬里江湖不繫舟。  
堂上慈親踰九十，哭兒泪逐海波流。

大風雷雨電

是日漳州李智甫作耗

江城奔雨撼風雷，飛電如驅萬馬來。  
蜥蜴吐成嵩頂見，蛟龍攝取凌人猜。  
聲疑玉斗鴻門碎，勢似冰山白日摧。  
个个錢文如刻就，未應傷稼必為灾。

送文煥回揚州

洞簫吹徹玉人家，騎鶴樓高酒幔斜。  
春滿揚州二三月，明年我欲看瓊花。

送安慶董榮卿之徽州試吏

聞昔安豐有董生，昌黎為作董生行。  
淮水湯湯出桐柏，迄今千載揚嘉名。  
爾家安慶隣安豐，譜系蓋與生同宗。  
李掾相携過南省，時復負笈來黌宮。  
遠遊不負丈夫志，捧檄初為郡曹吏。  
新安高高江發源，西風挂帆疾于騎。

無從薄書廢文學要識吾儒有真樂紫陽適傳今在誰  
為持瓣香訪林壑

次韻錢良貴江行

晚潮西下月東出欲吊鴟夷事渺茫鼓角高樓森虎旅  
帆檣遠島聚魚商秋聲衝激風濤岬暝色接連烟水鄉  
無限客愁禁不得芙蓉城郭夜偏涼

題方仙翁手卷

仙翁即青溪道士

先生聞是漢諸儒長往千秋不可呼偶向青天騎一鶴



絕勝赤縣下雙鳧  
史官自昔遺名氏  
仙蹟從今入畫圖  
顧我平生耽讀易  
欲從鷄犬扣虛無

送劉彥昇百夫長致仕歸毘陵

盟府勲勞舊清時  
將校閒有官居澤  
國無夢到天山  
老識兵書變醉乘  
烟艇還秋風吹畫  
角興在五湖間

送徐子羽回建昌省親且過金陵訪舊并柬笑隱

長老

楚材落落似君稀  
重過金陵逸興飛  
燕子巷深秋草合

鳳皇臺舊晚山園十年學古猶為客一日思親便賦歸  
暫向石頭城下泊好從丈室問禪機

送李士元歸湖南養親

談笑胸中有六經掾曹辭去鬢星星江心見月秋偏白  
淮口逢山晚更青捧檄誰知毛令喜濯纓共詫楚人醒  
綠衣正好尋幽討只恐徵車下驛亭

讀錢伯仁墓誌

錦樹彫零譜牒分先生高臥富春雲水邊種竹聽秋雨

石上看山對夕曛  
白壁沉埋甘隱遯  
黃金鋤去樂耕耘  
清風不與身同泯  
宰木成陰鶴守墳

題風雨歸牧圖

野陰雲氣合蒼茫  
壁立山精白石藏  
蓑笠歸來牛背穩  
不迷風雨似尋常

不見人烟聞鬼車  
長林昏黑雨如麻  
晚晴却看前峰翠  
過得溪南即是家

班姬題扇圖

無復承恩拓館春  
偶題紈扇淚盈巾  
賦成不費黃金買  
羞比長門失寵人

送張小山之桐廬典史

君家樂府號吳鹽  
况是風姿美笑談  
公幹才名傾鄴下  
子山詞賦擅江南  
霜晴萬木丹青徧  
雨暝千峰紫翠含  
縣幕從容釣臺去  
臨流應自漱餘酣

送陳敬復携妻子往沛中省親

遠訪庭闈挈細君  
寸心千里獨殷勤  
吳船晚入蕪城雨

楚甸秋連沛國雲  
酒熟鄉隣多黍稷  
肉均里社美榆枌  
別懷總付南來雁  
竚立蒼茫對夕曛

就東敬復乃翁伯粵助教

一代文章獨好奇  
十年契濶總成詩  
寄書親舊憑雙鯉  
作樂朝廷待一夔  
登嶽每懷天下士  
歌風猶想沛中兒  
故人感槩思鄉國  
落日荒城畫角吹

九月旦日呂彥孚約泛湖預為登高之會後二日見馬彥初云夢余得詩一句隔岸人家竹最多因

足成之時坐客凡八人

十五丫鬟歛翠蛾  
檻船穩泛白鷗波  
入橋是處花無數  
隔岸人家竹最多  
樂事預為重九飲  
醉鄉擬賦八仙歌  
菊花滿插烏巾小  
少壯懽娛奈爾何

送賈運使惟一

郎官南省才華盛  
耆舊中朝德望隆  
煮海豈無齊相策  
居官猶有魯儒風  
北方人品甄陶異  
西子湖山興趣同  
若訪魚臺舊游釣  
辦香先謁孔林中

送李從道遷江東憲書吏

氣味何曾識綺紈  
風神時復寫檀藥  
掾曹無事歸來早  
落筆晴窗翠雨寒

九日與武仲仁登尊勝塔寺

鹿苑蕭條景龍山  
慘淡陰百年多感慨  
九日此登臨  
宮葉詩誰寫籬花酒  
共斟不知城外雨  
逸思滿幽襟

香火今朝寺雲山  
前代宮雕闌陳迹在  
白塔暝烟籠雨  
注蛟龍柱風悲孤鳳  
桐惟應江上水  
千古酌英雄

題山居圖

婆娑夏木蔭清湍終日看山罷釣竿絕跡不交當世士  
野橋無路蘚花漫

呂德甫妻施氏挽詞

窻戶淒風慘碧紗別愁分倚入胡笳沉綿無益三年艾  
憔悴猶看十日華  
淚濕鮫綃如雨散塵昏鸞鏡似雲遮  
夫君何處魂能斷兒讀殘詩到月斜

送石處道貢江西憲掾



擾擾黃塵事馬蹄扁舟忽上大江西斗牛夜靜龍光見  
霞鷺秋高鷄表齊清白聲名馳遠道平安消息到深閨  
滕王閣在今猶古何日臨風手共攜

送呂彥孚游四明

買山活計未能成炊黍浮名本自輕攜妓每為湖上醉  
辭親暫作甬東行三江九堰無多路雙屐孤舟已半生  
握手丁寧南至後探梅細說歲寒情

呂彥孚留別錢良貴次韻以送

東書忽問浙東船聚散關情重惘然千里江山隨雁去  
四更風雨聽雞眠故人留別短長句遠客思家新舊年  
至日登臨天姥望應題節物五雲邊

送方大道之安仁縣教諭

仕途惟有此送爾欲彈冠百里安仁縣三千分教官日  
新桐子業春在杏花壇去去望彭蠡冥鴻響夜闌

寄呂彥孚

心跡都無海島疑光陰翻欲隙駒馳兒童幾見成斑鬢

昆季相知讓白眉  
流水桃花通剡縣  
遠江鴨綠帶高麗  
四明勝處君游遍  
一一歸來為寫詩

寄四明延慶講主我菴無公

說法魚龍不敢騷  
四明城郭靜風濤  
別離但覺成斑鬢  
瞻仰何由睹白毫  
百衲雲衣披紫鳳  
五更江月吼蒲牢  
平生興在湖山裏  
安得扁舟共手操

題遂初園圖送劉士舉仁和縣尹滿歸萊州

縣令歸來樂有餘  
若翁康健已懸車  
腰鑣獲稻新為酒

手板看山暫罷書萬井風烟連海市四時花竹映鄰居  
故人為撰名園記却擬登堂賦遂初

送錢良貴之蘭溪

一年一度省親迴歸客程途節序催去國未慙羊子別  
卜鄰還挈孟光來山中訪友休題鳳海上懷人本姓回  
行李無人舟一葉袖香知有橘三枚

十一月初三日與袁鵬舉錢良貴同登雷峰塢訪

魯山文公講主

袁浙西錢浙東

錢塘門外黃妃塢猶有前朝進士題一字排空晴見雁  
千燈照水夜燃犀周遭地帶江湖勝孤絕山同樹木低  
二客共馳千里目故鄉各在浙東西

楊志行挽詞

謝政還鄉里誅姦補聖朝玉堂開制苑烏府重賓僚名  
與曹劉並魂如屈宋招空齋書萬卷霜月夜蕭蕭

江月松風集卷七

欽定四庫全書

江月松風集卷八

元 錢惟善 撰

送蕪善郎中朝京師

名重西臺為御史禮優南省冠賓僚周官故事行春見  
唐殿新詩和早朝夢筆生花修五鳳鸞孤穿葉試雙鷗  
孰知風月同高潔肯向江湖慰寂寥

寄光希照禪師

金史四八  
卷八  
三載音書杳諸方道價行舊游湖上寺新離石頭城歲  
暮煨黃獨秋來采決明相思不可見江上共潮生

程國珍雙親同慶八袞

鶴髮升堂綵服趨春風入席奏笙竽庭闈自結同年會  
鄉里臯傳拜慶圖鸞誥待封承寵渥燕毛成禮接歡娛  
從今八十躋高壽更看曾孫戲掌珠

袁德齋昇仙詞

小隱城南水竹村  
峩樓閣耀朝暎  
山中弟子歌桑戶



海上仙人說羨門  
鷺換黃庭空有帖  
鶴歸華表定能言  
末由酌酒梅梁下  
萬壑千峰翠雨昏

六月游包山福泉

平生鹿門趣有意  
此誅茅地控江分  
月山因人姓包海  
鷗飛落日野馬牧  
荒郊流水千花樹  
重期載酒肴

送尹希善之宣城縣令

謝守登臨處能官  
儘自佳戴星趨憲  
府喜雨問農家溪  
水偏宜酒山田盡  
種瓜敬亭湏繫馬  
吟到日西斜

元宵偶作

彈壓城池夜屬橐放燈那復事奢豪  
水晶宮裏香風細  
曾見神山駕六鰲

寺前楊柳夜迢迢何處香風度玉簫  
天上舊時明月色  
鳳城曾照賞元宵

送朱子招遊金陵

自送越人遊冀北先從揚子過金陵  
雨中情緒難分手  
海內聲名已折肱歸雁去時開畫鷁  
流鶯啼處別青綾

此游不似幽居者頭白山林祇待徵

正月十六日遊湖上

東風杖屨偶相從試傍新堤覓舊蹤  
花竹園池通一徑金銀樓閣倚千峰  
林烟日午青先暝湖水天寒綠未濃  
賣酒壚頭人似玉抱琴時復醉臨邛

送陳新甫太祝造祭器還京師

先皇入廟從昭穆太祝還朝告鼎彝  
制作喜存三代意蒸嘗應永萬年  
思公庭作樂羣趨事宣室承恩尚問釐

蒲蔽太平班馬在諸君擬賦漢歌辭

送丘長卿之樂清尉

大冠黃綬初為尉小學青衿盡送師莫倚弓刀能弭盜  
且從山水徧題詩夷猶吳榜乘風穩伊軋潘輿度嶺遲  
聞說上官當五月吹簫人唱海榴詞

送王子仁之閩帥府

三歲抽毫直理官南游且盡一尊懽白雲姥嶺慈親舍  
綠樹人家嚴子灘幕下文思方雜沓軍前烽火漸平安

儒生無意封侯事老我江湖一釣竿

張園雜賦

清夜無眠疊鼓催竹梢垂露點蒼苔滿池月色如霜白  
一片蛙聲似雨來

野鶴孤雲思不殊好風時至立須臾夜深庭戶光凌亂  
月照青桐第幾株

螢火隨風撩亂飛樹頭殘雨滴人衣無端踈竹偏宜月  
寒碧蕭蕭夜入扉

二馬

草間二馬脫羈絡毛鬣蕭蕭兩相啣  
舉頭忽向夕陽嘶  
臺上胡歌猶未歇

寄金伯仁

畫舫相逢對夕曛別來無日不思君  
水花晚淨湖中雨  
林木晴鋪澗底雲  
三徑主人真好客  
一家兄弟總能文  
重期酌酎南風裏  
盡把詩題舞女裙

故陳母夫人張氏挽詞

弔喪遠自四方至合葬初諧百歲期孝友哭家城破日  
尊榮見子宦成時盡稱剪髻隆賓禮獨後登堂拜母儀  
博士新銘埋玉地晉陵西望白雲馳

送李可度

暫駕仙舟絕海濤未應歸夢又金鰲漢家長者為廷尉  
江左參軍辟掾曹十月蛟鬣淮浪靜九天雁隼朔雲高  
匡時有用須公等莫遣吳霜點鬢毛

挽翟公

忽報蒼桐旅襯回  
麥舟千載感陳雷  
病危瘴海鵬程短  
官近長沙鵬賦哀  
地下文章仍著作  
天涯魂魄定歸來  
鄉人漫號將軍墓  
樹影蕭蕭掩夜臺

和錢良貴寄春山韻

江寺當幽僻  
禪林絕垢氛  
人生真是夢  
世故不須聞  
靜見千波月  
閒留半榻雲  
寶華颺滿座  
聽法有龍君

寄趙初心

風流文采舊王孫  
一代衣冠禮數存  
天上神仙居海島



雪中賓客讌梁園  
金魚換酒尊常滿  
寶鴨焚香火自溫  
紅袖烏<sup>缺</sup>扶醉<sup>缺</sup>  
梅梢新月照黃昏

送張石隱歸東陽

餘不溪上張公子  
一日乘槎過婺州  
客徧江湖成落魄  
才兼書畫擅風流  
月明八詠樓中醉  
雪盡雙林寺裏遊  
覓取東陽高價酒  
一尊為我載迴舟

十五日呂彥孚王槐卿方雲器馬彥初同過三茅  
觀山時雪晴雲散憑虛望遠不知身世之在城市

也賦詩一首以記之

三茅真觀聚羣仙  
閬苑蓬壺思渺然  
澗雪晴飄松上雨  
楚雲冷護洞中天  
眼高但覺江湖小  
心遠那知井邑連  
欲與梅花爭比壽  
抱琴攜酒酌秊年

賦壽梅

問梅此地欲尋真  
不抵孤山野水濱  
却月觀深千歲壽  
返魂香在半邊春  
苔皴朽幹元無恙  
花綴枯梢似有神  
雪壓畫闌開較晚  
不隨點額化芳塵

送陳衆仲之官翰林應奉

畫鷁齊飛發棹謳  
泛江幾日過揚州  
曉雲最白梅花驛  
春雨初香杜若州  
一代文章闢氣運  
十年館閣擅風流  
綠波草色連天遠  
不是尋常送別愁

寂寞江南鄭廣文  
青藜夜照校書勤  
懷人遙望燕臺月  
奉使還探禹穴雲  
春咏燭花深夜剪  
早朝諫草鎖窗聞  
相知愧乏青瓊報  
目送風帆日易曛

兼柬張仲舉徵君

鼓柁坐春水快意如登瀛燒香把銅爵眠月舒錦鯨公  
才不世出豈特千人英國史馬遷贊月旦許劭評東觀  
徵博士南郡別諸生媿無雙南金贈此千里行萍香大  
江滿草綠長淮平紅藥有花譜金盤遺酒名若逢杜書  
記暫息廣陵城

送顧君澤遷平江

舊識黃堂掾風流見逸才秋葦魚鱉郡春樹鹿麋臺遷  
檄郵亭送離尊客棹催有詩須寄我握手更徘徊

君家九峰下作吏擅時名  
隱語中郎學歌章大雅聲  
江雲龍廟濕山雪虎邱明  
回首片帆遠桃花春水生

江月松風集卷八

欽定四庫全書

江月松風集卷九

元 錢惟善 撰

送趙李文之官湖州分韻得蘇瓌潭

憶昔蘇瓌墮此潭至今遺事作清談  
雲深不雨千峰潤風定無波一鏡涵  
鷓鴣班行終可造蛟龍窟穴暫須探  
前身恐是烏程尉罨畫溪山性所耽

和季文山齋早春

方壺元不離人間倚遍東風十二闌煙雨樓臺春似畫  
水雲窗戶畫生寒遙知洗鼎煎茶待定許敲門借竹看  
醉後石橋花爛熳翠禽啁啾在簷端

落梅風細小窻寒石上餘香點點斑不惜壺觴千日醉  
只愁庭館一春閒澗雲生白元非雨江樹排青更有山  
攜取畫圖溪上去鶴聲應到夢魂間

與馬彥初日暮遊興元寺河上

遠山凝紫白雲歸高處時來攬翠微流水野梅春寂寂



壞城宮樹晚依依  
雪晴孤雁過江去  
林暝亂鴉盤塔飛  
地下修文呼不起  
眼前殊覺故人稀

題子昂疎竹遠山圖

玉立湘江濶東風不自持  
巫山何處是春雨埽蛾眉

翠竹靈壁圖

江上聞瑤瑟雲端擁翠旗  
楚王空有夢那得見貞姿

客樓即事

未能辭市井那得老江湖  
不伐田家樹仍還合浦珠  
客

窻春雨靜親舍暮雲孤時復登樓望青山入座隅

送姚德莊之淳安縣學教諭

少壯功名擬穀中誰憐短褐尚飄蓬山深縣郭民風儉  
烟濕廚庖學廩豐弟子讀書庭草綠鄰人攜酒野花紅  
煩君為問青溪友獨喜諸洪有兩龔

送中瑞師典簿楊元城還京師

上國皇華使中宮符寶郎每瞻天日表長憶水雲鄉御  
榻先馳貢賓筵遠送將壯游誰得似閩里共輝光

湖上山居好天涯驛騎遙三年兩奉使千里又還朝江  
樹迎潮立林花避雨飄多情那忍別剪燭坐春宵

送方以愚赴銅陵縣尹

參軍重作宰才美獨能兼首為詢彫瘵仍當舉孝廉柳  
陰春繫馬山色晝垂簾見說銅陵郡編氓盡聳瞻

題清暉亭

段家亭子近湖山紫翠橫從几案間畫省歸來林壑暝  
黃庭臨得簿書閒花邊著綵從兒戲竹下攜琴送客還

不獨詩懷似靈運白雲相對拄魚斑

又

鄴侯新第宅何氏好山林  
賸醉江南酒閒題溪上衿  
池春圓草夢庭午直槐陰  
康樂湖中作令人誦到今

二月望日與呂彥孚錢良貴方雲器過龍華寺看  
桃花未開興盡而回

二月龍華寺桃花寒未開  
千峰間白日一徑亂蒼苔  
訪舊山僧化啼春野鳥哀  
前朝遺跡在燕麥在襟臺

送清員外薛玄卿歸瓊臺

詩名早已繞京華，奉使南來貫月槎。  
臺上風含蒼玉佩，洞中春老碧桃花。  
步虛縹緲聯珠斗，靈閣嵯峨逼紫霞。  
築館緱山誠有約，百年須啖棗如瓜。

聽松復羨陶貞白，嚙葑兼懷郭景純。  
犬吠瓊林疑有雪，鶴歸滄海竟無塵。  
層臺恍若崑山頂，仙浦遙通析木津。  
我欲把詩題石壁，天風何日駕麒麟。

題任月山畫馬

神駿蕭蕭白黑文  
圉人調習未能馴  
五陵年少黃金絡  
騎向長安不動塵

晚雨過白堦

宋宮傳是唐朝寺  
白塔崔嵬寢殿前  
夏雨染成千樹綠  
暮嵐散作一江烟  
蒼苔門外銅鋪暗  
細柳營中畫角傳  
寂寞葫蘆宮井畔  
野人拾得舊金鈿

送慶雲壑西堂之揚州化緣

白雲一壑色山臥  
偶訪檀那作遠行  
天上賜衣披紫鳳

雨中投寺聽華鯨風濤此日長江險梁棟明年大厦成  
已誦法華踰萬徧早回天竺話三生

送王舉之入京就東樵谷

短衣匹馬佩吳鉤欲寫關河萬古愁射雁秋風高紫塞  
聽鶯春色滿皇州黃塵驛路三千里白玉京城十二樓  
無酒送君懷抱惡過江為覓故人舟

過寅賓亭

寅賓亭上聽松聲夏木參天綠染成千歲鶴歸城郭是

四更雞動海波明  
每逢野客分雲坐  
慣引山童踏雪行  
載酒誰能忘勝槩  
賦詩我獨寄幽情

江雲劉先生挽章

先生家在錦溪村  
冠蓋相從似鹿門  
亡國敢言邊塞急  
清朝應見典型存  
京庠事往嗟誰及  
鄉校官卑道益尊  
冉冉白雲留不住  
山中何處酹貞魂

送藍信之省掾滿歸北上

豫章人

近看江月正懷思  
遠望燕雲又別離  
南省共稱三語掾



東膠猶說五經師  
龍泉光彩干牛斗  
金匱文章刻鼎彝  
追逐相君行樂地  
西湖佳處總新詩

思雲軒為汪會之以敬父子作乃祖號雲留先生  
思雲者思其祖也

兒時不識雲指雲謂為天愛雲及少壯賦詩輒成篇  
靄春雲好英英秋更鮮望之不可即逝將挾飛仙  
竭來錦溪上留與高人眠  
高人去弗返子孫更綿綿  
絃琴松桂裏日與雲周旋  
見雲思祖父心旌愈懸懸  
九京不可

作抱雲為潛然雲或爾飄散爾無雲棄捐帝鄉太清境  
親舍落日邊嗟余平生懷蹉跎成暮年

待月亭

廣寒宮殿海雲遮坐聽譙樓度鼓撾何處香飄丹桂子  
暗中光湧白蓮花莫言清景昏難見正想高輪曉易斜  
塵世能逢此良夜狂歌起舞醉流霞

玉簷馬為彥孚作

堂上讀書春晝長時間簷馬動丁當空中環珮聲高下

風裏鸞和勢激揚遲似渴烏傳玉漏清于顧兔搗玄霜  
特懸雅樂今餘幾愛此自然宮與商

蓬萊贈天目周上人

慣聽黃梅嶺頭雨却卧青蓮峰頂雲手結草菴終作住  
身披芟製不曾焚六時漏學廬山刻十丈花從太華分  
見說上人無所染定中日日對南薰

七月旦日與呂彥孚錢良貴拉袁鵬舉游湖值風

雨聯成口號

泛湖此日故人期一葉扁舟任所之雲霧兩峰青恰噴  
波濤萬頃碧琉璃豈同袁紹飲河朔恰似岑參遊漢陂  
醉裏不愁風雨至只疑昏黑有蛟螭

芰製荷衣六月寒清瓜果設杯盤棹歌浪湧飄毛髮  
談麈風生出肺肝白雨滿湖山不見紅裙入坐酒都乾  
潢汙歸路没人膝須記扁舟此日懽

錢子雲有二齋號風雲可月索賦

道人燕坐讀楞伽童子燒香更煮茶雪月四簷春滿室

夢中何處覓梨花

涼生石壁靜無燈  
窻戶微明月已升  
散髮夜深松影裏  
滿身風露蹋缺水

送陳乘彞代父回台城壽祖母

蒼江兩岸赤城霞  
十日籃輿坐到家  
池上稱觴壽王母  
蟠桃開遍漢時花

次陸孔昭韻寄葉子中

白雲南望日思親  
牛斗高連折木津  
懷想漫馳千里夢

飛騰不負百年身讀書異土寧無友積德名門尚有人  
見說中朝多好事盡開賓閣致儒珍

江月松風集卷九

欽定四庫全書

江月松風集卷十

元 錢惟善 撰

送楊仲賢之金華縣典史分題得金華洞

吳興郡曹掾左幕向金華雲氣藏山寺溪光入縣衙  
仙人同採藥茂宰共栽花洞府予能到騎羊弄碧霞

寄高平田長老

餘不溪上楊家寺雲徑迢迢九里松旁舍泉香新釀酒

前峰月出始聞鐘  
天龍未散靈山會  
石馬猶存夏屋封  
見說計籌真隱地  
他年卜築許相從

送域無住律師住四明五臺

大士無心過海行  
胡僧卓錫此經營  
龍能護法壇場潔  
花不沾衣戒律精  
長夏雲中雪山冷  
高秋河上月波清  
故人只在隣峰住  
何日為賓學許生

新安徐氏號茂林亭曰深淨

高士卜居山水幽  
寄題珠玉盡名流  
清風不待開三徑



落日還同泛八溝  
枕簟嫩涼宜醒酒  
琴書真味足消憂  
幾時得過雲林下  
一漱潺湲卧石頭

題柯敬仲博士明雪窗長老蘭竹石合景四幅各

一首

適從楚畹來邂逅  
此君子乃知岩壑姿  
風致頗相似  
光風泛崇蘭  
玉立共瀟洒  
襟抱有雙清  
歲暮遺遠者

又

石逾玉潤不生苔  
鐵笛吹殘自裂開  
絕似雨晴炎海上

一雙翡翠忽飛來

九日與呂彥孚陸孔昭袁鵬舉乘風雨泛湖中有  
期而不至蔡東流上官東閣揚邊梅分韻得滿朱

二字

九日雨淒其西風吹不斷空懷戲馬臺無復商飈館湖  
濶浪花明林昏烟樹短紅船大于屋坐客不能滿

時序多風雨雲林總畫圖翠屏低晚嶂黑米長秋菰未  
遂羣賢集那能四美俱扁舟載西子唯願學陶朱

九月望日與楊廉夫司令袁鵬舉陸孔昭賓王泛湖過岳墳及林和靖墓分韻得橫字

梅花岡上酌先生詩句猶同水月清僧飯林鐘時復扣  
客來野鶴不能鳴百年榛莽餘瀛嶼九月芙蓉似錦城  
更約雪晴湖上宿洞簫留向夜深橫

送張定之還宜興

引領白雲天際飛思親未及一年歸洞庭橘熟霜前摘  
更學兒啼舞綵衣

題半間雲

蜀嶺廬峰半是雲，青城樵者受氤氲。  
晨霑席上看山笏，暮濕窗間辟蠹芸。  
閒逐蛟龍行雨去，靜棲鸞鶴與松分。  
更從真訣披三素，莫把詞章繡五紋。

寄李公平御史

姓名不待覆金甌，已作人間第一流。  
烏府先生來建業，玉堂學士下瀛洲。  
十年麗澤從諸老，一日清風動五侯。  
江海相知惟賀監，幾時醉解驪驪裘。

題東閣為上官作

歲晚溪山倚東閣夜深風雪夢西湖不同何遜當年興  
獨玩先天太極圖

題耕樂堂為許生作

畎畝區區樂半生此生惟有慕莘耕豈同巢父終忘世  
獨愛龐公不入城笑我窮經為左計呼兒擊壤慶西成  
烹雞饗黍年年約莫道儂家是許行

送王文敏重入京師

漢室徵賢日王褒有軼材風雲行獻頌江海更卽杯安  
得雙金贈真同萬里迴皇猷能黼黻應不數鄒枚  
聖恩頒漢詔星使遍堯封應聘多耆碩更張法祖宗金  
臺明易水玉仗過居庸未遂觀光願清時不易逢

題萱蕙同芳圖

風光轉蕙及萱花一笑相逢子墨家不采幽香同結佩  
空教零落怨年華

題魯彥康所藏范寬山水手卷

看雲終日坐蒼苔溪上千峰紫翠堆種竹人家臨水住  
抱琴客子過橋來欲書盤谷先生序更把潯陽處士杯  
他日卜居能似畫草堂題作小蓬萊

松雪竹石蘭

鳳皇栖老楚琅玕白雪倚蘭一再彈空憶玉堂聽雨夜  
不知翠袖倚天寒

松雪竹

松雪齋前見此君白鷗波冷翠紛紛蕭騷不是湘江雨

要眇還成楚峽雲

遊冷泉亭

絺綌生涼坐酒醒  
暫于樹底弄清泠  
煮茶博士那知味  
覓句賓王尚有靈  
石上白雲終日濕  
洞中瑤草四時青  
我來不宿空歸去  
夜夢廬山漱玉亭

鷺鷥手卷

摩詰畫成詩益妙  
夫差鼓破事全非  
雨蒲烟篠寒沙暝  
無數連拳幾箇飛



顯應觀書事

樓觀窺江郭，新晴撲紫嵐。  
深林疑有雨，積溜響空潭。  
素髮何由變，忘機庶可參。  
明朝重與子，來此漱餘酣。

送方叔高之泉州南安尉

枳籬茅屋共桑麻，韓偓詩中是縣衙。  
政喜簿書辭帥府，久勞弓劍慰山家。  
海州風靜來犀象，岩洞巢空竄虺蛇。  
有詔令民皆復業，繞城新植刺桐花。

次韻李克讓過丘以敬仁壽寺讀書所

先生讀書處庭草似人長烟郭萬家畫風濤六月涼問  
竒能載酒習靜自焚香暫此招提宿非因事覺王

送人之金陵

之子好文翰扁舟東適吳金陵龍虎氣六代帝王都明  
月采驪頷朝陽鳴鳳雛畏途方酷烈善寶百金軀

畫馬

西風弄影四蹄霜背有連錢匹練光神駿何曾受羈馬  
蕭蕭想見華山陽

送海東之

一言不合便投劾肯負平生萬卷書  
南省幕中歌鳳鳥  
西風江上鱸魚翩翩去就為時重落落逢迎與世疎  
想得扁舟明月夜夢魂唯是到匡廬

早起

四壁蟲聲一樹風滿樓月色五更鐘  
起來但覺東方白  
草上灑灑露氣濃

八月十五日蔡忠伯楊庶夫司令袁鵬舉賓王陸

孔昭同登江樓觀潮以李白浙江八月何如此潮  
似連山卷雪來分韻賦詩限七言律期而不至者  
楚石長老呂彥孚

白馬濤頭駕素車至今猶自詫靈胥千年元氣淋漓後  
八月長風震盪初顧兔盈虛端不爽神龍變化竟何如  
須臾日落江明練東逝滔滔泄尾閭

江月松風集卷十

欽定四庫全書

江月松風集卷十一

元 錢惟善 撰

題遺安軒為吳江朱君竹子誠作

子孫何以遺方寸繫安危獲稻水雲裏讀書風雨時寧  
無五湖興應有鹿門期遲我來看竹彈琴更賦詩

空隱子以燈花寫草蟲人物蓋用雲巢家法且書  
坡翁題雍秀才八詩于右

戲把燈花幻草蟲  
世間筆墨詎能同  
雲巢家法坡仙語  
令我披圖悟色空

雪岩為管公賦

金華洞天古時雪  
光彩射人猶粟冽  
仙翁縛屋岩之阿  
披覽逍遙弄松月  
或云高處產瑤琨  
晝夜照耀天無昏  
千年水精化為石  
壁立萬仞誰能捫  
仙翁胸中有丘壑  
故倚孱顏若栖鶴  
天風吹開白雲去  
等閒見此青崖竇  
云胡玉氣生氣氲  
是中四月方知春  
百年富貴一餉爾

冰山未必同吾真，玉宇瓊樓每欲往。  
琪樹瑤花歲應長，更于何處覓此境。  
冷逼衣裳成夢想，手中笑把雙芙蓉。  
飲似冰壺驂白龍，覺來問我何所見。  
彷彿瀑布香爐峰。

寄呂彥孚

覓句隱烏几，談經坐虎皮。  
乾坤秋已半，風雨夜何其。  
聚散偏相憶，窮愁不自悲。  
但令交有道，莫惜鬢成絲。

李君彥何道，衡雨中見訪。  
留宿以今日重來白首。  
分韻得今日二字各賦詩二首以記之。

二子來相訪空堦落葉深江山雖異縣風雨忽同衾  
四十未聞道二毛何見侵文章須邁古情好祇如今

薄暮故人來豪談極真率孤燈明簡書杯酒薦梨栗  
雨聲正蕭蕭風條尤瑟瑟對床不能寐相期復何日

揚廉夫司令以詩美杜清碧先生達兼善郎中率  
吾曹同賦

獨慕崆峒鄒道士共稱京兆杜徵君鍊丹室裏金銀氣  
懷友軒中虎豹文何處同舟追李郭平生講道擬河汾



明年約我武夷去共寫松風弄白雲

近傳水北幽居好鞍馬相尋多出城說易長懷白岩老  
題詩只寄丹丘生郎官幕府擅文藻科目人才繫重輕  
憶昨同舟過湖日風篁聲裏問龍泓

放猿為魯至道禮部侍郎作

飛來峰下又成羣好事誰如魯使君金鎖曾經湘岸雨  
黑衣猶帶峽山雲不應泪落舟中聽只許禪餘石上聞  
千尺長松挂孤影夜深澗月白紛紛

送羅敬之侍親之長林并東樂清尉丘長卿

送子之何許窮年雨雪深風橋連越嶠島嶼帶長林煮  
海惟深計趨庭寄好音近聞樂清尉無事亦鳴琴

庚辰臘日大雨雪至明年元日承普安善卿劉環  
翁賽甫思誠韓思學四鄉元洎袁鵬舉朱子昭同  
酌抵暮而歸三日納復禮謂當作詩以紀因綴七  
言律一首

舊歲新年雨雪飛風來西北逞寒威玄冥未授青皇令

黑夜還同白日輝  
羣玉山川迷畫舫  
五雲宮闕點朝衣  
衆賓盡醉成清賞  
為掃柴門一尺圍

四日呂謙甫呂彥孚昆仲相招飲家園

玉樹庭堦好  
弟昆雪晴開  
讌勝梁園已  
呼翠袖歌金縷  
肯使烏巾負綠尊  
節近燒燈田蟹大  
春生坐褥楚熊溫  
罷歸蠟屐愁冰滑  
慙愧吾親重倚門

至元六年庚辰十又二月庚辰朔己亥大雨雪戊申復雨雪至七年辛巳正月朔旦己酉雨雪大作

癸丑甲寅復大雪因賦詩以記

城郭雪深三四尺窮谷大川那可量  
虎狼憑威肆貪虐  
雀鳥凍死何哀傷  
海中三山失顏色  
堯時十日無晶光  
梅花相看夜忘寐  
門外不知回野航

雪晴次丘以敬韻

雪深難覓故人家  
曉日初翻城上鴉  
睡覺只驚窻戶白  
一簾晴響滴簷花

王松友索賦

吾聞王子喬昔與赤松友若人今復見茯苓千歲壽家  
居金華縣初平時邂逅十年走燕趙功名亦何有南歸  
獲至寶珠玉燦雙袖願言山水好松花釀春酒抱琴弦  
松風寧有聽者否終當賦遠游又別山中叟

素華臺在龍虎山太玄子觀月之所

環珮鏘鏘月下聞層臺高起離人羣天香散滿三珠樹  
灑氣凝成五素雲辟穀相從赤松子吹簫唯向玉晨君  
要餐瓊屑渾無計願事吳剛乞斧斤

送伍景麟杞從龍歸東平

兩賢瑞世即龍麟  
頭角崢嶸邁等倫  
千里同舟求聖學  
幾時聯璧貢王賓  
山中夜月思丹桂  
天末涼風咏白蘋  
博盡黃金書萬卷  
却歸潁上理絲綸

極目亭四首

南望富春渚  
雲山縱復橫  
野雲低驛樹  
秋色帶州城  
千古共登覽  
一江空戰爭  
海門遙見白  
應是晚潮生  
遐覽東南際  
清秋樹木稀  
天空孤鳥沒  
江曠一帆歸  
月

出金天豁山藏翠雨微道人能伏虎深夜亦開扉

五色雲中百尺梯憑高但覺鳥飛低江山今古何嘗異  
氣候朝昏自不齊地近天河垂象緯雨交海日見虹霓  
竹房開在禪栖處待我重來改舊題

南北峰來几案前朶雲飛動絕攀緣金烏曉浴扶桑國  
白雁秋橫落木天林壑千重還紫翠江湖一色斂風烟  
尋常引領爭如雪玉宇瓊樓更覺仙

次韻呂彥孚秋懷二首

遠樹秋聲細高樓月色多  
頭顱成老大勲業轉蹉跎  
漫憶袁臨汝空懷馬伏波  
好天如此夜無酒奈君何

金天垂月露秋氣入窗紗  
最戀姜肱被頻過賈島家  
無官寧夢鹿有妾解塗鴉  
深夜看書喜燈明眼未花

芙蓉白描手卷

秋花石上玉狻猊  
金尾脩脩斂四蹄  
零落舊時宮女扇  
撲螢曾見畫闌西

壽設堂



壽母堂前多樹諼斑衣時復奉輕軒宜男花發春還夏  
拜慶圖成子又孫人好巢烏當屋宇客來剪髻助盤飧  
索詩已買東歸棹昨夜連環夢倚門

石上枯

蓮上人琴名

君不見零陵湘水西石上枯桐一千尺朝陽無復鳳鸞  
鳴竅中猶有蛟龍蟄震霆一夜烈火焚賞音邂逅超道  
人斲作三琴號神品篋鍾焦尾斯其倫好事相攜東入  
海蓮師獲之極珍愛世經喪亂恐若失古製宛然遺韻

在南風吹斷蒼梧陰如此良庖那易尋  
憑誰更寫柳州贊即是當時霹靂琴

蕤賓鐵

君不見朱雀大尉家曹鎰弟子善琵琶  
平泉別墅朗談處有物跳出青蓮花  
月白風清縱幽賞視之乃是鐵方響  
辟如以鐸求黃鍾宮聲相應無差爽  
琵琶雖妙爭如琴雅鄭未必無知音  
蓮師之談過聰穎間以鐵寫禪之心  
請師試鼓蕤賓調定有鏘然躍深沼  
琴兮鐵兮何要

妙我當往和蘇門嘯

翠雨亭

亭子蕭然十畝秋晴光  
搖曳屋簷頭楚雲冉冉  
文竿濕山雨娟娟翠黛  
愁公子玉樓春夢覺野  
人黃卷夕陰浮月明更  
鼓湘靈濕鸞鳳飛翔卒  
未休

十月朔旦錢良貴來訪已而表鵬舉亦至遂同登  
三茅觀過清遠堂然後歸

被髮真君來武當凜然生氣坐高堂一池雨浸青銅色

半壁雲銷寶篆香  
落葉空林人往返  
古松流水鶴回翔  
著書若許依丹竈  
鷄犬相從歲月長

江月松風集卷十一

欽定四庫全書

江月松風集卷十二

元 錢惟善 撰

漁村意

丙穴漁來江盡頭  
玄真卜築更深幽  
對門燈火三家市  
何處烟波萬里舟  
明月竹枝揚子夜  
西風木落洞庭秋  
棹歌一曲閒來往  
指點儂家鸚鵡洲

芭蕉室為吳江上人賦

手種芭蕉幾見春綠陰繞屋不生塵能書懷素題詩徧  
到寺昌黎聽雨頻覆鹿隍中誰辨夢狎鷗波上共觀身  
扁舟欲過維摩室仍約華陽說偈人

夜坐志喜

母在高堂兒在旁燈前補綴舊衣裳移居獨喜親年健  
得句空歌子夜長千里鴻飛半江月四鄰誰和滿天霜  
脩然牀榻如僧舍紙帳梅花入夢香

松花石

徂徠之松幾千尺千歲之餘乃成石棟梁竒材學尸解  
幻作萇弘血華碧蛇鱗剝落霜蘚痕茯苓不見心為煩  
耳邊無復聆天籟醉裡直欲搯雲根漆身未信青龍化  
鐵色真同玄處卧日莫過爾終南下飛將鸞弧那敢過  
或疑織女曾支機又云恐是天星墮東老家富美園池  
於此列坐彈琴棋閉門枕流隔江雨蒼官前來夢中語  
若非黃石定赤松穀城山下還相逢

賦狐白裘送余仲懷歸歙

珍裘非一腋價重兩驢驪輕疑紫貂缺  
粲若銀鼠光相  
德推晏子客計侮秦王若人不復見送爾意茫茫

翌日同表鵬舉過定香橋訪隱者不遇

誦經聲隔竹林聞知有禪房遠俗氛野水菰蒲藏小艇  
寒烟樹木翳斜曛雨花臺古龍歸井落月廊深犬吠雲  
不見故人歸去晚扁舟重過雪紛紛

楊隱君挽詩

君諱亮字明叔上饒人其子觀登至順二年進



士第授饒州錄事再授翰林檢閱而君卒學士  
揭公志其墓

銘章讀罷泪如波高士云亡奈若何身入風濤親在念  
思沾雨露子登科明經數世傳家學會葬千人息巷歌  
昨日西樓遊宴處佳城鬱鬱枕松蘿

一峰晴雪

石名

醉倚崔嵬夢剡溪覺來翻訝衆峰低孤標想見天山北  
萬里飛來蜀國西每怪珠光含霽月不知玉氣吐晴霓

風流欲喚坡仙起  
雪浪齋中共品題

送熊元成回豫章

柳梢昨夜東風起  
吹破官河一尺冰  
太史藏書探禹穴  
謫仙沽酒醉金陵  
斗間雙劍千年見  
月下孤舟萬里乘  
歸去故山重著述  
洛陽紙價為君增

元日立春

長安日近仰楓宸  
萬國衣冠拜一人  
北斗轉杓行木德  
東風吹暖報花神  
傷時感物中年境  
送故迎新半夜春

明日樂遊珠翠出寶坊香拂鈿車塵

杜錄事挽詩

公諱輝字輝卿其先飛狐人曾為平陽錄事百  
姓號杜父調真定錄事君子謂有古循吏風遷  
京畿倉監以疾卒年四十九妻胡氏傷公之歿  
致疾而死合葬雲中武周山其子允為嘉興崇  
德同知

甘泉從幸有揚雄曾屬時巡作上宮豈弟化民真杜父

雍熙遺俗變唐風猶聞天上中書薦已覺人間大夢空  
千里並喪能合葬冥冥魂夢入雲中

人日喜晴分韻得人字

雪盡東風起城邊柳色勻百年同是客此日喜逢人煖  
泛波間綠香飄霽後塵從今追勝賞莫負六橋春

送張文郁考滿北上

張君昔掾行省幕起身六曹騰薦鴉玉壺風露濯心胸  
寶劍塵埃斂鋒鏑家居東魯風俗淳夢入五湖波浪惡

閉門官况政自佳三年抱病麾杯杓今君考滿將北歸  
俸廩蕭然一如昨初自都下來江南有孫偕行訪文學  
前師李氏後師丘中間從余究伊洛授書不似童子記  
哦詩欲追古人作君今歸裝盛籤軸攜孫還鄉罄囊橐  
况當英妙力孤苦勿嗜紛華嗤澹薄學海須要涵百川  
書櫥無但支兩脚麗澤相資聖所貴他山之石可為錯  
豈無樽酒報殷勤聊寫茲懷慰離索

正月十六日與劉生雪中過三茅觀

天風吹放鼉疑到玉皇家不見赤松子唯逢萼綠華  
春回丹鼎火凍折使星槎明月看晴色江山景又加

顧碧蟾先生挽詩

壯歲歸來即養恬西山看雨捲朱簾底須待詔登金馬  
祇欲求仙事玉蟾德種爭看三子秀著書已似一夫潛  
廣陵城外新營葬欲酌先生涕泗霑

送帖君澤歸湖廣

撾鼓發船歸武昌杏花驛路早春光侍親河泊新之任

為客乾坤總是鄉  
絕唱郢中傳白雪  
濯纓江上有滄浪  
登臨何處偏懷古  
落日蘭亭思渺茫

和王仲仁見寄

髮齒已如許  
江湖何所之  
忽收前月信  
未和去年詩  
至寶懷雙壁  
新愁理亂絲  
為親能捧檄  
此意獨余知

訪遠山觀師云寂已隔歲矣感而賦詩

忽到觀公院  
蕭蕭影在帷  
山林曾幾見  
塵世漫多為  
不作緇衣別  
猶聞說偈辭  
遠山何黯慘  
揮泪日斜時

三月初五日送劉師魯先生殯陸志尹孔昭昆仲  
招飲湖船

綠楊多處小汀洲  
適意人生勝宦遊  
雙漿微風文鷁動  
千波倒影白虹流  
遺珠爭羨雲間陸  
荷鍤空懷地下劉  
時復湖天文字飲  
醉鄉何必更封侯

聞彥孚後園牡丹盛開與錢良貴有賦詩之興因  
為長句以記其美

池館深深賦牡丹  
繁枝開徧未春殘  
鬱金香染芙蓉帳



藥玉杯傾瑪瑙盤  
護日兼防風雨至  
娛親時挈子孫看  
每從綺席陪清賞  
漫詫楊家百寶闌

三月望日與袁鵬舉賓王同遊北山東山神仙宮  
諸勝處訪喜鵲寺  
茂上人不過泛舟而回

自憐躑躅平生樂  
時得尋真半日閒  
白白楊花迷道上  
青青梅子落林間  
三千歌舞如春夢  
四十飛騰未老顏  
喜鵲寺中因舉訪  
前身記得是香山

雨後登吳山過城隍廟眺望

偶向吳山高處望淒涼猶是覺繁華  
百家香火祠神宇  
二月笙歌賣酒家渺渺風帆來海島  
冥冥江樹接烟沙  
倚闌貪看西湖上古木荒城日又斜

新正試筆次韻清溪野史高作

以下續集

田家欲雨唯看月人日多陰重卜年  
鬢雪紛紛梳易落  
燈花冏冏笑堪憐擬尋夢草池邊句

靈運

即買浣花溪上

船少陵風俗再淳民樂業會看斗米直三錢

題倪雲林畫

曲江老人喜雲林之畫與詩不徒作蓋識其人  
之賢故次其韻以發清賞

太丘遺澤被諸孫東蔡深居雨外村濁水摩尼因見地  
好山罨畫正當門得錢贖買詩千卷留客時沽酒一尊  
名利區區等春夢貪夫未覺古槐根

缺題

幽人好樓居層梯離塵垢俯瞰江練澄仰觀雲幕收須  
臾獨憑闌萬象森列宿先得海底月飛光入窻牖犀然

半渚分珠吐蚌胎，剖吹笛和龍吟。  
金墓落吾手，舉杯縱鯨吸。  
玉兔墮吾口，天高豁懷抱。  
露下濕衣袖，清風滿乾坤。  
識此幾人否，豈惟樓得之。  
吾心月自有，對影舞且歌。  
太白千古友。

題風雨護嬰圖

焚香敬誦昔人詩，如遇空山雷雨垂。  
老婦護兒驚掩耳。

欲歸無語先茅茨。

一作零陵燒  
作斲琴枝

梅道人墨菜

晚菘香凝墨池濕畦菜摘盡春雨泣梅花菴中吳道人  
寫遍羣蔬何德色怪我坐客寒無檀牀頭却有買菜錢  
四時之蔬悉佳味乃知此等吾尤便有客忽攜畫卷至  
一笑落筆南風前

題破窻風雨

一燈風雨寒窻破讀書不知秋怒號恍如扁舟在江海  
但覺四壁皆波濤對床高卧無此客倚劍長歌空二毛  
曉看庭樹故無恙千峰雲氣落青袍

題松雪墨竹

小橋流水雪晴時  
曾折幽芳寄所思  
明月觀深春夢遠  
玉堂仙客寫橫枝

題趙彥微畫

玉堂學士研猶存  
三絕名家尚有孫  
何處有山如此畫  
便將歸計問田園

送賈元英之照潭

照潭遙望九華山  
弓馬蕭蕭日暮還  
夢裡無題唯寄內

胸中有策欲平蠻  
落花閉戶眠  
黃犬明月開籠放  
白鷗絳灌何曾經  
賈誼早隨鷓鴣入朝班

清送齋

神仙宮府曾為吏  
一日東風即棹頭  
太白豈惟凌鮑謝  
元卿只合友羊求  
門前種樹青連屋  
湖上聽潮白滿樓  
遙憶五經名隱地  
峨眉高聳蜀天秋



江月松風集卷十二